




საქართველოს მეცნიერებათა ეროვნული აკადემია

ქართული ენციკლოპედიის ი. აბაშიძის სახელობის მთავარი სამეცნიერო რედაქცია

ამირეჯიბი ჭაბუა ირაკლის ძე



ჭ. ამირეჯიბი

ამირეჯიბი ჭაბუა (მზეჭაბუკ) ირაკლის ძე (18. XI. 1921, თბილისი, - 12. XII. 2013, იქვე), მწერალი. შოთა რუსთაველის სახ. სახელმწ. პრემიის (1992), საქართვე. სახელმწიფო პრემიის (1998) ლაურეატი. თბილისის საპატიო მოქალაქე (2001).

1941 შევიდა თსუ-ის იურიდ. ფაკ-ტბე. ერთი წლის შემდეგ გადავიდა ფილოლ. ფაკ-ტბე.

1943 საბჭოთა წყობილების წინააღმდეგ მიმართული მოქმედებისათვის დააპატიმრეს.

1959 დაბრუნდა საქართველოში. აქედან დაიწყო მისი ლიტ. და საზ. მოღვაწეობა. 1983-89 იყო დოკუმენტური ფილმების სტუდიის „მემათიანეს“ დირექტორი, 1989-იდან - ქართ.-ამერიკული ერთობლივი კინოსანარმო „ისარის“ გენ. დირექტორი, 1991-95 - საქართვე. პარლამენტის წევრი.

სამწერლო ასპარეზზე 1960-იდან გამოვიდა. პირველი მოთხრობა „რატომ არ დამაცადე“ 1960 გამოაქვეყნა ჟურნ. „მნათობში“ (№ 1), მოთხრობათა პირველი კრებ. „გზა“ - 1962. ა. ავტორია მოთხრობებისა: „ჩემი მეზღანე ბიძა“ (1963), „ხარის აღსარება“ (1964); მოთხრობათა კრებულისა „ძია შოთას ბადია“, ნოველისა „გიორგი ბურდული“ (ორივე 1965), არაკებისა „თაფლის წვეთი“ (1968), კრიტ.-პუბლიც. წერილებისა, სცენარებისა,

სტატიებისა კინემატოგრაფიის საკითხებზე და სხვ.; რომანებისა: „დათა თუთაშხია“ (ნგ. 1-2, დაიწერა 1973-75; დაიბეჭდა 1986), „გორა მბორგალი“ (დაიწერა 1984-94, დაიბეჭდა 1995), „გიორგი ბრწყინვალე“ (2003).

რომანმა „დათა თუთაშხიამ“ ა. ერთბაშად ჩააყენა საუკეთესო ქართვ. მწერალთა რიგში. უმდიდრესი და მრავალფეროვანი მასალა სწორედ სამშობლოსგან იძულებითმა მოწყვეტამ შესძინა. ესაა სამართლიანობის, ადამიანობის, მაღალი ზნეობისა და მოყვასისთვის თავგანწირვის მაღალი იდეალების შესანიშნავი მხატვრული განსახიერება. რომანის მხატვრულ რეალობას XIX ს. მიწურულისა და XX ს. დასაწყ. ისტ. სინამდვილე განსაზღვრავს, მაგრამ წიგნი არ არის ისტ. ჟანრის ნაწარმოები ამ სიტყვის კანონიკური მნიშვნელობით. მასში ისტ. სინამდვილე კი არაა მხატვრულად აღდგენილი, არამედ ისტორიის წარმართველი ხასიათია წარმოჩენილი. ამავე დროს, ეს არის ხაზგასმით თანამედროვე ნაწარმოები, რ-შიც მთავარია ჩვენი თანამედროვეობისა და თანამედროვის უმწვავესი ზნეობრივი პრობლემები. ამ რთული რომანის ჟანრობრივად რომელიმე სახეობისადმი მიკუთვნება არ ხერხდება. თავისი მნიშვნელობით იგი სცილდება ქართ. რომანის ტრად. ფარგლებს. მხატვრული ტექსტის ამბივალენტობა, პარაბოლური სტილი, ტექსტის მითოლოგიზება ზედროულ მნიშვნელობას ანიჭებს რომანს. ნაწარმოების პროტაგონისტის დათა თუთაშხიას პროტოტიპიც ჩვენი თანამედროვეა, ტრაგიკულ გარემოებათა გამო გააბრაგებული კაცი. კონკრ. პიროვნების ბედი რომანისტიკისთვის იქცა უდიდესი განზოგადების საფუძვლად – თავისუფალი პიროვნების მიერ სამართლიანობის არსის ძიების, ბოროტისა და კეთილის დაპირისპირების, სიყვარულით ბოროტების დამარცხების ჩვენების საწყის ბიძგად. დათა იმედია მაშვრალთათვის, ამიტომაც სწორედ, რომ მისი დაღუპვა მითის დაბადებად იქცევა – მითისა მარად ცოცხალ, სამართლიან, სხვათათვის თავშეწირულ გმირზე, რ-იც არ დაღუპულა და ისევ მოევლინება ხალხს. განსაკუთრებული პოპულარობა მოუპოვა წიგნს რომანის ორი მთავარი გმირის – დათა თუთაშხიასა და მუშნი ბარანდიას მკვეთრმა, კოლორიტულმა სახეებმა. მათ ორთაბრძოლაში კეთილისა და ბოროტის მარადიული დაპირისპირების მთელი ტრაგიკომია წარმოჩენილი. დათა თუთაშხია ძლიერი, გონიერი, რომანტი. და აქტიურად მოქმედი პიროვნებაა, მისი ინტერესების სფერო დიდია, ხასიათი – ემოციურად მრავალფერი. თანამედროვე ხელოვნების გმირთა ფონზე იგი კონტრასტულად გამოირჩევა სწორედ თავისი იდეალური სულიერი სიმადლისა და მოქმედების დაუოკებელი პათოსის გამო. ძლიერი პიროვნებაა მუშნი ბარანდიაც. ზოგი შემფასებლის აზრით, იგი უფრო ტრაგიკულია, ვიდრე დათა თუთაშხია.

ა-მა თანამედროვე ქართ. რომანში დააკვიდრა პარაბოლური სტილი; სეთურის სახე და შესაბამისი ეპიზოდი ჩვენში დიქტატორული ეპოქის, მისი მმართველობის მოდელის მძაფრი კრიტიკაა. რომანი დაწერილია შესანიშნავი ენით, გმირთა ენობრივი დახასიათებანი ზუსტია და შთამბეჭდავი.

ქაბუა ამირეჯიბი კითხულობს ფინალს საკუთარი რომანიდან „დათა თუთაშხია“.
ჩანერილია 1977 წელს: <https://www.youtube.com/watch?v=bbOigBXuMLY>

1978 რომანის მიხედვით, ავტორისავე სცენარით, რეჟისორებმა გ. ლორთქიფანიძემ და გ. გაბესკირიამ გადაიღეს შვიდსერიიანი მხატვრული სატელევიზიო ფილმი (ქართ. და რუს. ვარიანტი), რ-იც ასევე დიდი პოპულარობით სარგებლობს. 1981 ფილმის დამდგმელ კოლექტივს და სცენარის ავტორს – ა-ს მიენიჭათ სსრკ სახელმწ. პრემია. „დათა თუთაშხია“ ითარგმნა და რამდენჯერმე გამოიცა რუს. ენაზე (თარგმნა ავტორმა), ინგლ., ესპანურ, ჩეხურ, სლოვაკურ, ბელგიურ, ფინურ, შვედურ, პოლონურ, რუმინულ, დანიურ, უნგრულ, ესტონურ, სომხურ, უკრაინულ, უზბეკურ, ლატვიურ, აფხაზურ და სხვა ენებზე. ა-ის ისტ. რომანის „კრონის“ ნაწყვეტები გამოქვეყნდა ჟურნ. „ჭოროხში“ და გაზ. „ლიტერატურულ საქართველოში“ 1981.

2010 ა. ბერად აღიკვეცა დავითის სახელით. 2009 მიენიჭა ლიტ. პრემია „საბა“.

მიღებული აქვს სახელმწ. ჯილდოები: ღირსების ორდენი (2001), ვახტანგ გორგასლის I ხარისხის ორდენი (2002), წმ. გიორგის ოქროს ორდენი (2009).

ა. დაკრძალულია მთაწმინდის მწერალთა და საზოგადო მოღვაწეთა პანთეონში.

თხზ.: დათა თუთაშხია, [გამოც. მე-2], თბ., 1986; გორა მბორგალი, თბ., 1995; თხზულებები 7 ტომად, თბ., 2001.

ლიტ.: ბ ა ქ რ ა ძ ე ა., სამი მწერალი, მნათობი, 2000, N3-4; ბ ა რ დ ა ვ ე ლ ი ძ ე ბ., ზნეობისა და სიკეთის გმირი, მნათობი, თბ., 1976, N5; ბ ე ნ ა შ ვ ი ლ ი გ., არაბესკები, ლიტერატურული ძიებანი, თბ., 2002, ტ.23; გ ა ჩ ე ჩ ი ლ ა ძ ე გ., ონტოლოგიური შიშის რაინდი, წგ.: სულიერი გამოცდილების სამყაროში, თბ., 1986; თ ე ვ ზ ა ძ ე დ., რომანი დაუმორჩილებელ ქართულ სულზე, ლიტერატურული ძიებანი, თბ., 2000, ტ. XXI; ი მ ე დ ა შ ვ ი ლ ი გ., დათა თუთაშხია, «ცისკარი», 1974, № 6; ი მ ე დ ა შ ვ ი ლ ი კ., მხმობი, წგ.: მიჯნა, თბ., 1987.

კ. იმედაშვილი
